



Arubaanse Courant

nja 25.

DIARAZON 20 MEI 1964

etiro di embahador
di Brasil na Mejico

DE JANEIRO, 20 mei.- Mi-
sterio Brasileiro di asuntunan
terior a participa cu e emba-
dor Brasileiro na Mejico Plo
Correia, a wordu liama bek Bra-
sili.

Esaki no ta nifica, cu e relaston-
n diplomatico entre ambos pais
wordu mantene riba nivel di de-
gradonan. Na Mejico, nan no sa
da acerca di un cambio den e
relastonnan cu Brasil, segun un
uncio cu prensa Mejicano a ri-
bi di e ministerio di asuntu-
n exterior. Den e declarasion
ta para, cu e minister Mejico
no di asuntunan exterior no a
ordu pone oficialmente na altu-
a di salida di embahador Cor-
rea. Nan ta recorda en relaston
esaki, cu Correa a bisa, cu
gobierno a liamele bek y cu e
este sali awe di Mejico.

Gobierno Brasileiro no tin idea
di kibra su relastonnan diploma-
co cu e gobierno Mejicano. E
echo cu nan a manda liama e
embahador Plo Correa pa deli-
erasion absolutamente ta nifi-
a, cu lo tin un quiebra entre e
os paisnan aki.

mentario cubano
riba atake nan

MEJICO, 20 mei.- Cuba no a
entrega ningun keha cerca Nacion-
nan Uni contra Merca en rela-
cion cu e ataque haci algun dia
pasa riba haf di Pilon, segun Car-
los Lechuga, representante Cuba-
no cerca e organisacion di Na-
cionnan Uni, cu ta di caminda
di Havana pa New York. El a bi-
sa cu no tin ningun base riba cual
nan por entrega un tal keho y
cu su gobierno no a pone ningun
babor ne incidente. Segun su opi-
nion desterradonan Cubano no tin
idea di cuminsa un ofensivo con-
tra Cuba, si nan no ta dispone di
ayudo di Merca. Den e caso aki,
segun el a continua, Cuba lo pro-
testa cerca Nacionnan Uni.

Gobierno Cubano a cualifica e
desicion Mericano pa limita
exportacion di remedio y comesti-
bles pa Cuba, como un hecho, cu
ta falta tur justicia si moral po-
litico o humano. Den un nota e
minister Cubano di asuntunan ex-
terior Raul Roa, via e embahada
Suizo na Havana a protesta cer-
ca Merca contra loke e tallama
agresion nobo contra pueblo Cu-
bano. El a avisa atrobe pa conti-
nuasion di un politica cu no tin
utilidad.

Merca prome a trata di revela
nan sin escrupulencia riba e ma-
nera clinico, door di exciul cu-
minda y remedio dje embargo co-
mercial, pero gobierno Meri-
cano, actualmente a desmascara
su mes completamente, segun e
nota Cubano.

I.O.W.U.A. TA BISA:

Lago ta tira empleadonan den nan lomba y tambe Arubaanse Courant ta contra empleadonan

SAN NICOLAS, 20 mei.-

Ayera Independent Oil Workers Union of Aruba a parti un pamflet entre
e empleadonan di Lago, den cual ta worde lanza un atentado fuerte contra
Lago, na unda hasta ta worde bisa cu e compania aki ta cumstumbra di tira
e empleadonan den nan lomba. Ademas ta worde bisa cu Arubaanse Courant
ta contra e empleadonan y cu I.O.W.U.A. ta studiando pa cuminsa un accion
di boycott contra e corant aki.

E tekst o literal di e pamflet, firma pa Sr. Frans Lodewijk Maduro ta
como siguiente:

Independent Oil Workers Union of Aruba
Grensweeg 7, San Nicolas.
Mei 19, 1964.

Estimado rumannan,

Como ta deseo di e miembronan pa worde mas informa di e proposicionnan di e union na compania,
e directiva a dicidi di saca un memorandum majan, 20 di mei 1964, comparando e proposicionnan di
IOWUA cu e contract di fedepetrol di Venezuela. E miembronan tambe a pidi pa explicacion di e pro-
clamacion di huelga y e cooling-off period. Manera boso sabi, e union a logra un suspension di lay-off
cual ta caba dia 20 di mei 1964. Awor cu e tres luna a pasa, Lago kier tuma ventaha di e union y layoff
mas tanto miembro di IOWUA cu ta posibel pero e union tabata prepara di antemano pa hanja e cooling-
off period.

1) Lago kier kita e facilidatnan di hospital for di nos familia; esaki ta un inhusticia. 2) Lago kier cerra
e comisario, asina cu e negociantenan por hiza nan prijs. 3) Lago kier cross-craft. 4) Lago kier con-
tracta tur trabou posibel asina e empleado di Lago lo mester traha cu contratista pa mitar sueldo.
5) Lago kier layoff mas tanto empleado cu ta posibel.

Ta pesey nos a informa gobierno di un huelga pa hanja un mediador pa drecha e asunto. Lago ta kere
cu e tin tur e empleadonan na su banda, pero e miembronan a muntra kopi blaha caba cu Lago no por
gana nan mas. Lago kier spanta e empleadonan, pero e empleadonan ta fada di e actitud bajo di mana-
gement contra e union. E empleadonan ta fada di e discriminacion social y racial pa parti di e foreign

staff di colony. E empleadonan ta fada di worde pusha manera esclavo moderno.
Rumannan, esaki ta boso ultimo oportunidad. Boso a eligi e directiva aki, y boso a respalde tur mo-
mento. Gracias na boso respaldo firme; nos a gana 5 batalla:

1. Promer eleccion na augustus.
2. Segundo eleccion na november.
3. 91.2 por ciento ahustamento di costo di bida
4. Tres luna di suspension di layoff na februari.
5. Cooling-off period y e nombramento di un mediador e luna aki.

Sin boso respaldo nos no por a logra tur e batallanan aki, pero nos tin un batalla importante pa gana,
y esey ta "un bon contract." E directiva ta sigur cu tur hende lo respalda e union, pasobra si nos perde
e batalla aki, nos a perde e guerra, y nunca jamas lo bin un otro union. Pero Lago tin miedo di e forza
di e union internacional I.F.P.C.W. y di fedepetrol di Venezuela.

Rumannan, no laga Lago pone boso na rudia. Bringa manera un homber, y no corre manera un cobarde
pasobra Lago ta tira boso den lomba. E directiva tin e intencion den futuro pa pidi tur miembro pa boy-
cott Arubaanse Courant y Chuchubi, pasobra nan ta contra obrero, y nan ta saca rumores falso contra e
union - of podiser e corantnan aki ta ricibi placa pa bringa obrero cu ta cumpra e corantnan aki.
Majan boso por spera un memorandum comparando nos proposicionnan cu e contract di fedepetrol
Venezuela.

F.L. Maduro - presidente IOWUA.



SABOR CU NUNCA TA
VARIA

IT NEVER VARIES.

DEPORTENAN NOBO
NA Y.M.C.A.

Oranjestad, 19 Mei. - E seccion
juvenil di Young Mens Christian
Association, YMCA, a anuncia
como tres deporte nobo pa ho-
bennan bao di 17 anja. Na prome
lugar pronto bao direccion di Ty
Wong nan lo forma un team di at-
letiek, cu lo bo specialisa nan
mes den varios ramo di atletiek
y cu lo worde hibadoor di nan
trainer pa cierto nivel, cu nan lo
por participa na encuentronan.
També YMCA pa su miembronan
bao di 17 anja tambe lo bai practi-
ca den judo. Frecuentemente lo
tin examen pa obtene gradonan
mas halto den e deporte di judo.
Por ultimo nan ta forma un grupo
tambe di acrobata pa presente o-
ra di eventonan grandi di deporte
y tambe durante shownan.

FATUM

Pa tur bo aseguronan
Tel. 1845.

NO CAUSA EROSION PESEI

NO COHE PIEDRA Y SANTO SIN AUTORIZACION.

COMUNISTANAN TA EHECUTA ATAKE GRANDI NA LAOS

VIENTIANE, 20 mei - General Kong Lae, e comandante neutralista na Laos, a lanta un cuartel general nobo na Ban Ching na 10 km na zureste di Moeong Phan, su cuartel general bieuw cu e meste a renuncia ora cu trupanen neutralista antayera a wordu ataca den llanura na central Laos pa forzanan di guerra di Pathet Lao comunista.

Trupanen di Pathet Lao ta ainda no ta ni 3 km leeuw di Ban Chong y segun un bohero militar occidental na cuakier momento nan por ehecuta un atake grandi ta circula rumor, cu Pathet Lao a haci general Kong Lae ultimatum pa rendi y cu e ultimatum ya

a termina caba. Un oficial Occidental qu ayera a regresa Vientiane despues di a bishita Ban Chong, a bisa que trupanen neutralista, a laga tres cien homber herida o mata atras na nan salida fol llanura Llantos. Ne a-

eropuerto di Bang Ching ademas el a mira 130 militar seriamente herida cu ta spera evacuacion. E oficial a conta ainda tambe cu 17 tank neutralista di fabricacion Ruso por a hui di Moeong Phan. Seis tanki di guerra a keda destrui. E neutralistanan tambe a perde tur nan artilleria.

Gobierno Ingles a ordena su delegado na Peking Terence Carvey, pa papia cu gobierno di Peking tocante e situacion na Laos cu ta empeora.

Di fuente bon informana Londen a ser anuncia, cu Inglatera api di republica popular di China oficialmente di haci uso di su influencia pa pone un fin ne bringamentunan na Laos.

DOW a tabla uno y perde na Corsow

(Di Nos Redactor Deportivo)
E oncena di DOW di Aruba durante e weekend cu a pasa a hunga dos partido na Corsow. E promer tabata diasabra atardi un ora y mei despues di nan yegada contra di e oncena di DOW di Corsow.

Na dos gol pa banda e matchaki a caba, despues cu e curazolenjonan tabata tin ventaha di dos cero.

Diadomingo mainta e segundo wega di DOW Aruba tabata contra di DONAFI, un combinacion di cuatro departamento di Gobierno di Corsow cu ta conta cu mas di cinco hungador di hoofdklas.

E curazolenjonan a anota e promer gol di wega. Den e promer mitad ainda DOW ta empata e wega na 1-1, cu cual score halftime a bai aden.

Despues di halftime sin embargo e conbinacion curazolenjo ta logra anota tres biaha pa sali finalmente vencedor cu anotacion di 4 gol pa 1.

Den encuentronan di domino e equipo di DOW Aruba a perde tanto contra di DOW Corsow como contra di e combinacion di Posterijen Radiodienst di Corsow.

E equipo di Process Department di Lago cu tambe a hunga dos partido na Corsow a worde derota 4-1 y 6-3, respectivamente door di Sithoc y SUBT.

Pa bo bisti un par di zapato chic y elegante, ta solamente na LA LINDA bo por scohe algo completamente na bo gusto. Haci un bishita awe mes na:

La Linda



TERVINIA BEAUTY SALON

WATERWEG 4 - TEL. 2128



ta ofrece tur su clientenan su servicio di masashi di cara, cu azeta especial pa kita rimpel y espenia, tambe e ta ofrece masashi di cabez cu aparato especial pa bolbe cabel. Pedicure, manicure y peinadonan di moda pa cabel largo y cortico. Ademas masashi pa curpa, pa kita carni na unda bo kier!

TERVINIA SU EXPERIENCIA DI 21 AÑA TA BO GARANTIA.

Bringamentunan na Serawak

KOETSJING, 20 Mei. E prome minister di Serawak, Stephen Kalong Ningkan, a declara, cu ora cu ataquenan arma fol Indonesia tuma luga riba teritorio di Serawak, e trupanen di seguridad di Malaysia lo no por escohe nada otro cu di ataca e guerilleronan y core cu nan bek pa teritorio Indones. El a duna periodistanan comentario riba un bringamentu den distrito Loendoe, caminda dos militar Goerka y dos guerillero a muri. Ningkan, cu poco despues a sali pa Koeala Loempoer a llama e situacion masha serio, pero ta kere que trupanen tin e situacion den nan man. E lo pidi gobierno Malaysiano, pa manda Serawak mas expertonan riba terreno di guerra psicologico, pa por contesta e propaganda Indones.

Formosa ta yuda Vietnam del Sur

Gobierno di China Nacionalista a dicidi di duna Vietnam Del Sur un cinco mil florin consistiendo di construcion di aluminium pa pueblonan fortifica y tambe instalacionnan di fabrica.

ASTHMA MUCUS LOOSENED WHILE YOU SLEEP

A quick easy way to combat difficult breathing, coughing, rattling and wheezing, due to recurring attacks of Bronchial Asthma and Bronchitis, is by taking fortified MENDACO. Acts fast to combat allergy, relax bronchial tubes and help remove thick, congestive mucus. This usually eases breathing fast, allays coughing; thus promotes sounder sleep. Get MENDACO at druggists. Let it help you.

ENJOY TELEVISION AT ITS BEST

WITH A
SIERA



CASA ELECTRONICA



Rey Hoessein den su uniform di desierto a bishita Papa Pablo na Roma durante su estadia den e pais. Esaki tabata un contra bishita di e Hoessein despues di e peregrinacion di Papa e aña aki.

Unidad restablese den paisnan EEG

GINEBRA, 20 mei.- Door cu nan a hanja un solucion pe kestion di preferensianan special, cu e paisnan Africano, cu ta asocia cu EEG ta goza y cu a trese desunion entre e 75 paisnan di desarrollo, e unidad dje paisnan aki, cu ne conferencia comercial mundial, te ainda a forma un frontera, ta restablese y fortifica.

E 75 paisnan entre otro a entrega comision di produccion di industria un resolucion. Den esaki nan ta propone medidanan pa facilita entrada pa produccion di industria termina y produccionan mitar termina di paisnan

di desarrollo pa mercadonan di paisnan industrialisa. Esaki meste tuma luga por medio di abolimentu di e tarivnan di preferensia pa produccion di industria o produccionan mitar termina fabrica fol produccionan o materias primas cu ta desendiente di paisnan di desarrollo segun e resolucion.



KI DIA... NA UNDA...??? SPERA NOS PROXIMO AVISO DEN CORANTNAN - NA RADIO Y NA T.V. KAPMENTO DI PRIJS DI BERDAD!!!

KNSM

your line



TELEPHONE 1777-3 LINES

SCHEDULE OF ARRIVALS/DEPARTURES AT/FROM ORANJESTAD

NUMBER:	FECHA:	FOR DI:	PA:
BAARN	21-5-64	Mobile, Houston, New Orleans.	Curacao, Venezuela, Trinidad, Barbados, Georgetown, Paramaribo, Cd. Bolivar.
THERON	21-5-64	U.S. Atlantic Ports.	Venezuela, Georgetown, Paramaribo.
KREON	23-5-64	Europe.	Venezuela, Suriname.
MEMNON	28-5-64	U.S. Atlantic Ports.	Venezuela, Port of Spain.
PRINS DER NEDERLANDEN	30-5-64	Europe.	Kingston.
FROL	3-6-64	Italy, Spain, Portugal.	Barranquilla, Cartagena, Pto. Barrios.

KAPMENTO DI PRIJSNAN! NOS A KAP E PRIJSNAN NA MENOS CU MITAR

GRAN BARATILLO DI ARTICULOS NOBO Y DI CALIDAD PA DAMAS, CABALLEROS Y MUCHA.



Asina princesa Alexandra di Kent a sali cu su baby di diez siman James Robert Bruce y su esposo Angus Ogilvy pa Buckingham Palace na Londen, caminda e baby a worde batisa.

Nacionalisacion na Indonesia

DJAKARTA, 20 Mei. - Gobierno Indonesia a tuma over e plantacionnan Britanico di te y di rubber na Java y Zuid Sumatra. E terrenonan aki cu tin un grandura di 25.000 hectaria, en adelante lo ta bow di gobernacion dje ministerio Indones di agricultura. Ne plantachinan ta traha 36.000 obrero, y 300 homber cu ta diriginan, entre quende 1. Ingles. E ultimo nan aki ta hanja 36 ora pa bandona e territorio dencua nanta. E medida nobo a worde tuma den cuadro dje politiek di confrontacion en bista di Malasia. Observadornan a hanja e impresion cu Indonesia lo confisca o tro empresanan Britanico, manera por ehempel esun di Shell y Unilever.

Huelga na Sabena ta continua

BRUSELAS, 20 Mei. - Den conflicto entre e directiva di e compania Belgo di aviasion Sabena, y e personal di Aviasion Uni serca e sindicato liberal te ainda no tabata tin ningun solucion. E deliberacionnan tocante exigencia dje huelgistanan, cu tin relacion riba oranan liber entre vuelonan, no a tresé ningun resultado den e dianan cu a pasa. Foi simanpasanan a suspende diariamente varios vuelo. Segun e compania a anuncia, Mayan solamente un 4 servicio di vuelo lo no tuma lugar.

Brasil ta derrota Ecuador cu 3-1

Burselas, 20 Mei. - Ne 888 desgracianan di trafico cu tabatin he fin di siman di pentecoster na Belgica, seis persona a muri ne luga di desgracia, segun marechassee Belgo a participa. E cantidad di personanan mal herida tabata 165 y 498 tabatin heridanan leve.

Aki por mira e princesanan Margriet y Beatrix prome cu nan salida pa Copenhagen caminda nan a asisti na e fiesta di corte di princesa Margaretha di Dinamarca.



Sonde ta cambia rumbo pa Venus

Rumbo y velocidad dje cohete espacial Ruso "Sonde 1" a wordu cambia pa di dos blahapasignalan di radio foi mundu, segun e agencia Ruso di prensa Tass a anuncia. Ora cu e coreccionnan a tuma luga e cohete tabata na mas o menos 13 km di mundu. E velocidad a worde aumenta cu 50 meter pa segundo. Segun expertonan Mericano "Sonde 1" probablemente ta di caminda peplaneta Venus. E cohete a worde lansa dia dos di april pasa.

Demostracion na Canada

Despues di demostracionnan di partidarijonan di un separacion di un territorio Frances na Canada, tene na Montreal, a ser hanja riba e brug Victoria riba riu Sint Laurens serca dje ciudad aki un bom. E bom a ser hanja cu ayudo di un llamada anonimo que brug ta den peliger.

Mision Indones pa Hulanda

SCHIPHOL, 20 Mei. - Cun avion di Alitalia a llega inspera un mision economico di gobierno Indonesia na Schiphol foi Roma. E ta consisti di 12 miembro. E lider dje mision, e minister Indones di industria di basis, y mina, awe mainta lo llega Schiphol foi Roma.

Ley nobo acepta na Suecia

E comision Sueco di constitution den mayoria a acepta un proposicion pa cambio di constitution segun cual e edad necesario pa subi trono ta worde hiba di 21 anja pa 25. Si parlamento acepta esaki principe heredero Carl Gustaaf lo no por subi trono na anja 1971.



Secretario general di Navo Mr. D.U. Stikker a duna un conferencia di prensa na Den Haag prome cu e reunion di Navo a tuma lugar. Aki un bista di e sala durante e conferencia di prensa.

Desgracianan di trafico

Durante e fin di siman di pentecoster trafico a exigui na Inglatera un cantidad di victimanan cu a kibra record. Ne desgracianan riba caminda a muri 84 persona contra 47 di anjapasa.

Paso peligroso di Makarios

Nicosia - Awe nanta spera un declaracion definitivo entre presidente, Arzobispo Makarios, y Nacionnan Uni, pa captura di turconan chipriota como rehen y e sorprendente anuncio di qu gobierno chipriota griego ta buscando arma riba mercado mundial.

Comandante di e forza di paz di Nacionnan Uni, general Prem Singh Gyani a nenga di duna algun declaracion ayera noch to-cante e anuncio aki, pero ta ser bisá qu el a ordena pa nan manda texto di e declaracion via cable pa secretario general di e organizacion mundial, U Thant.

Diplomaticonan ta considera e anuncio como un desafio contra e ehército di paz di Nacionnan Uni, particularmente en vista di e insistencia reciente di Thant di qu nan lo logra paz na Chipre solamente despues qu nan desarmá tur e soldánan ilegalmente armá riba e isla.

Di acuerdo cu su constitucion, Chipre por tin un ehército armá di solamente 2600 homber, incluso chipriotanan griego y turco.

E expresidente ecuatoriano Galo Plaza, representante especial di Thant na Chipre, mañan lo sali cu destino pa New York pa tene un conferencia cu Thant riba e actual situacion riba e isla. Plaza lo reuni cu Makarios awe mainta y ta ser considerá casi sigur qu lo e plantea e asunto di arma na e presidente.

GOLPE MILITAR DESBARATA

NA SIRIA

Beirut, - Gobierno di Siria a anuncia qu nan a desbarata un golpi militar qu tabatin e fin di derroca gobierno, segun informacionnan qu a alcansa Beirut, procedente di Damasco.



Miembronan di "Women Strike for Peace" a entrega un peticion na Den Haag caminda e conferencia di Navo a tuma lugar, den cual nan ta expresa nan temor pa armanan nuclear. Solamente un delegacion chikito tabatin mag di drenta, mientras cu un polis a taha e resto di e miembronan.

Segun e noticia, 12 oficial a ser arrestá en relacion cu e revolucion frustrá diabierne siman pasá.

Esaki ta e ultimo informacion procedente di Siria, caminda ultimamente tabatin welgan y disturbionan antigubernamental.

Un ex comandante di guardia nacional a ser asesiná recientemente y un vicepromer minister a ser herida pa balanan di un asesino.

E noticianan ta bisa qu e oficialnan arrestá den mayoria ta procedente di Aleppo y Hama lugarnan caminda continuamente tin desorden e inquietud.

E oficialnan, qu ta ser apoyá, pa un numero no específicá di persona, a marcha for di e cuartelnan di Katifah, qu ta keda 45 kilometer norte di Damasco, pero nan a ser detene y arresta nueve kilometer promer qu nan a yega e capital, despues qu gobierno a ser informa di e alza-

mentu.

No tin mas detaye riba e revolucion aki.

Investigacion na San Salvador

San Salvador -- Autoridadnan a tuma un di e dirigentenan di e Organizacion Laborista di ala izquierda bao di custodia, pa sometele na interrogacion. E interrogatorio lo ta relaciona cu e manifestacion di dia promer di Mei, den curso di cual leyendanan comunista a ser pinta riba e edificio nobo di e biblioteca Nacional y varios localnan comercial di e centro di e ciudad.

E reaparicion di e cuestion di comunismo despues di un periodo largo di tranquilidad tambe a ser subraya door di e protesta di presunto atropellonan di polis contra di estudiantenan cu a ser

expulsa for di e pais den compania di un profesor Hondureño no identifica.

E protesta no ta menciona e filiacion politica di e estudiantenan presuntamente persigui, pero e ta conclui bisando cu esaki ta ser haci "sin perhuicio" pa otro medidanan cu e Universidad por tuma pa impedi e atropellonan encuestacion. E universidad, cu ta autonomo, ta ser financia principalmente cu fondonan di gobierno.

EHERCICIO CU SMALDEEL V

Dia 19 pa dia 22 di Mei, e bapornan di guerra colombiano Antioquia y Almirante Padill lo uni cu Smaldeel V di Hulanda den awanan di Caribe pa participa na manobranan anti submarino. E Smaldeel V qu lo participa ta consisti di Karel Doorman cu admiraal Reeser a bordo, Ams-

terdam, Friesland y Drénthe y e submarinonan Zeeleeuw y Dolfijn, di cual solamente e promer lo participa na e manobranan. E bapor di guerra Dubois, un fregata stacioná na Antillas tambe lo participa.

E manobranan lo inclui ehercicionan cu avionnan Neptune y Tracker y tambe helicopternan qu ta a bordo di Karel Doorman. E ehercicionan lo ser realisá den vecindario di Corsow y Aruba.

Durante e manobranan lo tin intercambio di oficialnan entre Amsterdam y Antioquia, quendenan lo asisti riba ambos bapor durante e manobranan.

Ta den intencion pa e manobranan den principio ser realisá pa e bapornan individualmente y na final di e periodo tur conhuntamente.

E manobranan lo termina diabierne atardi dia 22.

EXTRADICION DI PERON

Buenos Aires, - Un decision hudicial, qu ta nenga e pedido di extradicion di e ex dictador Juan Domingo Peron, pa e delito di traicion contra su patria, a ser confirmá ayera pa Camara Nacional di Apelaciones en lo Federal.



Durante e bishita di rey Roldouino y reina Fabiola di Belgica na Suecia, e reina belga a bisita un hospital di mucha na Stockholm. Aki reina Fabiola ta mustra atencion pa un di e chikitonan riba braza di un enfermera.

BIBA MEHOR CU ELECTRICIDAD

for di mainta trempante anochi laat REDDY ta na bo servicio.





ENEMIGA - Cu su mannan mará tras di su lomba, un soldá ta vigila un mucha muher Viet Cong di 17 aña di edad na Ba Xuyen qu ta un provincia di Sur Viet Nam.



CAN KHANH DO IT? -- Esaki ta e pregunta grandi qu lidernan Occidental ta puntrando nan mes. Aki e lider vietnames ta examinando un plesa di batería promer qu un batalla. En realidad, hopi di e armanan guerrillera ta ser capturá for di tropanan di gobiernu.



E prome dia di e bishita di e pareha real belga na Suecia e famia real di Suecia a ofrese un diner. Aki nostamira rey Baldouino huntu cu reina Louise di Suecia na caminda pa e sala di come den e palasio di Stockholm.

Pastoor ta comete suicidio den misa

Un pastoor Catolico na Wohlen den e ciudad Aargau di Suisa a tira su mes mata diasabra anochi dilanti altar den presencia di un candidad di parochianonan entre cua algun muchu, segun e corant "Blick" cu ta sali na Zuerich a anuncia. E pastoor di 51 anja segun un comunicado di obispo di Bazel y Lago no tabata biba den un situacion depresivo en relacion cu dificultadnan eclesiastico y un mal salu.

Den compania di Henry Cabot Lodge, embahador mericano na Vietnam del Sur (robez) y general Maxwell Taylor, comandante di e forzanan di guerra mericano na Vietnam del Sur, e minister mericano di defensa Robert MacNamara (centro) a bishita e presidente nobo di Vietnam del Sur, general Nguyen Khan.



Huelganan na Spanja ta expande mas

MADRID, 20 mei.- Den e mina grandi di carbon El Fondon Cera-ca di Oviedo, na Noord Spanja un cantidad di mineronan a bolbe sigul traha, pero e accionnan di huelga a expande te den provincia Santander caminda dos mil obre-ro di un fabrica di metal, a stop di traha. E obreronan ta exigul un acuerdo colectivo nobo di tra-bou y a declara nan mes solida-rio cu e mineronan cu ta huelga

y e obreronan di metal na As-turia.

Nan lo mantene den minanan di carbon un acuerdo nobo di trabou cu ta contene entre otro un bon mihoramentu di sueldo pe mine-ronan. E acuerdo ta validu pa hen-ter Spanja cu excepshon di Astu-ria, caminda nan ta huelga foi un luna caba. Den e parti dje pais aki ta traha mayoria dje 59.000 mineronan Spanjo.

Johnson kier reuni

Alemania atrobe

WASHINGTON, 20 mei.- Presi-dent Johnson a declara un biaha mas cu no tin kestion di paz den mundu mientras tantu Alemania ta keda parti. E mandatario Me-ricano a bisa esaki ora cu e ta-bata haciendo un brindis cu bur-gemeester Willy Brand di Berlin Occidental durante un comemen-tu na Casa Blanca.

Nos fin ta keda: un ciudad Ber-lin reuni den un Alemania reuni, door di autodeterminacion den paz y libertad, segun Johnson. E Ber-lin ta keda simbolo di speranza, no solamente pa un Alemania reu-ni, pero tambe pe causa di paz den henter mundu.

DESGRACIA CU

RAKET

CIUDAD DE PANAMA FLORI-DA, 20 mei.- Forza aerea Me-ricano a participa cu antayera a muri ne base aerea Tundal na Flo-rida na explosion di un raket chi-qui tres persona y ocho a keda herida. E desgracia a sosode ora cu e raket cu tabata cla pa wordu lansa a explota.

VICTIMANAN DI

SANDANGER

LONG BEACH, 20 mei.- Ne can-dela abordo dje bapor di carga di Noruega "Sandanger", 11 per-sona a muri. Manera anuncia e candela a cuminsa diadomingo a-nochi ora cu e bapor tabata cer-ca di costa west di Mejico.

Ayeranochi nan por a saca un di dos cadaver foi laman. Nana stop cu e buscamentu pe 9 personanan perdi.

Di fuente di guarda costa meri-cano a wordu anuncia, cu actual-mente tur e bapornan di rescate

dje bapor a wordu hanja bashi o a bolter. E candela abordo dje bapor no a paga ainda.

Bouguiba no ta bai Argelia

ARGEL, 20 mei.- Un bosero dje ministerio Argelino di asun-tunan exterior a participa cu e bishita di president Bourguiba di Tunisia na Argelia na fin dje luna aki, a kede suspende.

Esaki a tuma luga en relasion cu e estado di salu dje hefe Tunesino di estado.

CONSPIRACION NA INDONESIA

DJAKARTA, 20 mei. E procu-rador general na Djakarta Soe-leiman, a participa, cu cantidad di persona a keda aresta riba a-cusacion di actividad enemistoso, dirigi pa tumba gobierno Indo-nes, segun e agencia di prensa Antara a anuncia. E personanan aresta tabata miembro dje par-tidonan prohibi pa ley.

Algun di nan tabatin puesto cerca gobierno. A resulta foi e inte-rogasion, cu ta trata aki di un organisacion grandi di conspira-dornan cu ta opera na varios ca-minda na Indonesia, entre otro den teritorionan na Borneo, cuta keda na frontera cu Malesia.

Eleccionan na California

LOS ANGELES, 20 mei.- E Re-publicanonan na California lo por tlni ne eleccionnan prelimina-rio dia dos di juni solamente dos candidato pa presidencia: Nelson Rockefeller y Barry Goldwater, di quende e prome ta favorito. Riba e lista di candidato cu e par-tido Republicano a saca tin selame-mente nan nombrenan.

E ildernan dje comite di Cali-fornia pa candidatura di Henry Cabot Lodge a dicidi di apoya Nelson Rockefeller.



E minister Ingles di exterior Duncan Sandys a sali pa Aden pa inspecciona e trupanen Ingles y Arabe cu ta bringa contra rebeldenan aja. Aki Sandys (r) huntu cu Apmir Dahla un sultan arabe.

Deliberasionnan na Washington

WASHINGTON, 20 mei.- Un de-legasion Roemano cu ta consisti di funcionarionan altu a cuminsa na Washington deliberasionnan economico y politico importante. Esakinan por trese un fase nobo den e relasionnan Mericano cu Roemania y cu e otro paisnan di Oost Europa.

Chroesjef a sali pa Port Said

CAIRO, 20 mei.- Promie minis-ter Chroesjef di Rusia, presi-dent Nasser di republica Arabe Uni y president Aref di Irak, a sali cu un trein special di Cairo pa Port Said. A worde anuncia cu Chroesjef tabata sintie masha cansa, y cu pa esaki nan a trese cambionan den e programa di su estadia na Egypto. E viahe pa Port Said, cu tabata para riba e

programa aki probablemente no a wordu e schrap. Na Port Said e tres mandatarionan lo asisti un reunion massal, organisa pe sindicato socialista y lo bishita tambe instalacionnan di canal Suez.



Tambe for di Merca algun dama a jega Hulanda, cu ta forma parti di e organisacion "Women Strike for Peace". Sinembargo nan mester a declara na polis cu nan lo no stroba orden na Hulanda y obedece leyman ulandes, prome cu nan a worde admiti. Aki algun di nan cu nan lema.

AGENDA

ARUBAANSE COURANT
diariamente cu excepcion di
diadomingo
subscription f. 3,25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERERS - en PUBLI-
CITEITS MIJ.

imprimi na:

N.V. DRUKKERIJ
„DE STAD,”

Telefoon 1116 Directiva y redac-
cion, 2116 Anuncio y subscrip-
cion.
Directeur hoofdredacteur:
D. Wolff.

**POR CUMPRAR ARUBAANSE
COURANT NA E SIGUENTE
LUGARNAN:**

NA ORANJESTAD:
BOEKHANDEL MARISKA,
PIET SODA FOUNTAIN,
REFRESQUERIA INGRID.

NA SAN NICOLAS
NICOLAAS STORE,
UNION STORE.

BOTICANAN DI WARDA

Oranjestad Botica Aruba Tel:
1080 1081.
San Nicolas Botica San Lucas
Tel: 5119

CINE

De Veer: 8.30 p.m. "Cone of
Silence" ail
Rialto: 8.00 p.m. "La Emboscada
Mortal" 18 j
Principal: 8.00 p.m. "West Side
Story" 14 j
Savaneta: 7.30 p.m. "Let's be
happy" all
Aurora: 7.30 p.m. "Mondo Cane"
18 j

TELEARUBA

6.00 Public Service
6.30 Dutch Film
6.45 Papiamento newscast -
live&Filmnews
7.30 Phil Silvers
7.45 This Man Dawson
8.15 Concentracion
8.45 English newscast - Live&
Filmnews
9.00 Wire Service
10.00 Wrestling

CUMPLEANJOS

Dia 19 di mei e lindo hobencito
Johnny Raymond Kock a celebra
su di dos aniversario, hopi felici-
tacion ta bini di parti di su ma-
ma Ursula, ruman stima Glenda,
welo Augustin, wela Chela, tanta
y omonan, especialmente pa parti
di su madrina Petra Reeder y de-
mas familia.

RADIO CARACAS TELEVISION

8.45 Senderos de luz
9.00 T.V. Educativa
10.30 Cosas de mujeres
11.15 El hogar y la moda
11.45 Novela
12.00 Noticias
12.05 Show de Renny
13.15 Se necesita una amiga
13.35 Cortos
14.00 Yo se lo vendo
14.30 Documental
15.00 Estudio de Hector Monte-
verde
15.30 Perfecta ama de casa
16.00 Mejias y sus muchachos
17.00 Busque su marca
17.30 Que monada de familia
18.00 Circo de frontera
19.00 Tallahassee
19.30 Dick van Dyke
20.00 El observador
20.15 Teatro Frances
20.45 Don Camillo.

RADIO VICTORIA

6.00 Peticiones
6.15 E Bijbel Habri
6.30 Ultimas Noticias
6.45 Ecos DEL Cielo
7.15 Bo Musica Favorito
7.45 Delicados Pastos
8.00 La Hora Nazarena
8.15 Joyas Del Hogar
8.30 Ultimas Noticias
8.45 Musica Di Banda
9.00 Noticias Español.
9.15 Melodias Del Alma.

9.30 Morning Melodias
10.00 World News
10.10 The Bible For You
10.15 Through The Bible
10.45 Sacred Songs
11.00 Chapel Of The Air

11.15 Novela Cristiana
11.30 Melodias Di Merdia
P.M.
12.00 Ultimas Noticias
12.15 Musica Sagrada

12.24 Thought For The Day
12.30 World News
12.45 Quiet Time
1.00 Radio Concert Hall
2.00 Reading Room
2.15 Songs Of Zion
2.30 Quiet Hour
2.45 Radio Revival

3.15 World News Headlines.

3.20 Ensueños Musicales
3.45 Musica Di Banda
4.00 Bo Pregunta Contesta
4.15 Ultimas Noticias
4.30 E Ora Adventurosa
4.45 Noticias Español.
5.00 Cafe Con Musica
5.15 Palabranan Di Bida

5.30 Light And Life Hour
6.00 World News
6.15 Miracles
6.40 Musical Interlude
6.45 Listening Post
7.00 Children's Gospel Hour
7.15 Off The Record
7.30 Back To The Bible
8.00 Musical Gems

8.30 Nederlands Nieuws
8.45 Christus Tot De Volkeren
Der Aarde Gebracht
9.00 Klassieke Muziek
10.00 Sign Off.

Cyprus kier compra mas arma

NICOSIA, 20 mei.- Den palasio
presidencial na Nicosia nan ta
ninga di duna comentario riba
noticianan publica di e agencia
Chipriota di prensa, cu e gobier-
no Chipriota actualmente ta co-
mercia cu varios pais tocante
compra di arma.

E president di camara Clyri-
des, a segura sinembargo e agen-
cia Frances di prensa AFP, cu
tales deliberacionnan enberdad
a tuma luga. El a bisa, cu foiva-
rios tempu nan ta delibera cu
Gran Britania y Belgica tocante
cu compra di armanan lihe pa for-
zanan di seguridad na Cyprus.
També el a participa, cu nan a
papia tocante compra di avion-
nan di bombardeo y avionnan di
caza, pero el a ninga di participa
cu cual pais.

Clyrides a segura, cu pronto nan
lo vota na Cyprus tocante ley pa
servicio militar obligatorio.

ATENTADO RIBA CHROESJEF

OSLO, 20 mei.- Segun un anuncio
di polis na Oslo nan a hanja un
cantidad di mas o menos dos ki-
lo di explosivo ne terreno Byg-
døe na cinco km na West di Oslo
caminda e prome minister Ru-
so Sovietico lo keda durante su
estadia na Noruega fin di juni
proximo. E carga di explosivo,
tabata cla pa wordu sende.

Un guardia prome cu e descu-
brimentu a mira un homber cu
un cacho den cercania dje luga.

Condenasion pa Schwend

LIMA, 20 mei.- E majoor di
gestappo Friedrich Schwend cu al-
gun dia pasa a wordu condena na
Italia pa 21 anja den prison a
wordu condena pa motibodi a ma-
ta na 1945 un solda, ta bina den
becindario di capital Peruano co-
mo un respetable homber di ne-
goshi. Schwend cu tin ciudadania
peruano, tabata junga un papel
importante ne operacion Bernhard
di Hitler un plan pa laga placa

falso circula den Gran Brita-
nia. E cas di Schwend ta rondona
cu murajanan altu y borshinan ri-
ba cual nan ta avisa contra pre-
sencia di cashonan. Ora cu perio-
distana a pidi altura dje
pronunciasion di corte Italiano
di justicia Schwend a bisa, cu
justicia Italiano no por haciele
nada na Lima. Ne embahada Ita-
liano nan no por a bisa, si Ita-
lia lo pidi pa entrega di Schwend.

CAPITAN ASESINA RIBA LAMAN

HONOLOELOE, 20 mei.- Polis
di Honoloeloe ta haciendo un
investigacion pa circunstancia-
nan bou di cua e capitan di 51
anja di un bapor di carga di No-
ruega diabierne pasa, a muri o-
ra cu su bapor tabata na 1.000
m na oost di Honoloeloe.

Ora cu e bapor a drenta Hono-
loeloe, guarda costa mericano a
vigilanan foi helicopter pa ta si-
gur, cu ningun dje 29 miembronan
di tripulacion lo bula foi abordo.
E prome stuurman a participa
cu nan a hanja cadaver dje ca-
pitan den esaki su cabina. El a
bisa cu tabatin huella di un brin-
gamentu y cu un machete no ta-
bata muchu leeuw di e cadaver
dje capitan. E capitan, a wordu
e kap tras di su oreja drechi.
Solamente e hefe steward y e radio
telegrafista a wordu ponena al-
tura di loke a pasa. E tripula-
cion no a tende nada te ora cu e
bapor a llega Honoloeloe.

Indenpendencia na Rhodesia

LONDEN, 20 mei.- Noord Rhode-
sia dia 24 di oktober proximo lo
bira independiente segun un acue-
do cu a wordu serra ne confe-
rencia na Londen tocante e kes-
tion aki, segun anuncio di fuente
bon informa. Foi dia 24 di okto-
ber proximo Noord Rhodesia lo
carga e nomber di Zambia. Noord
Rhodesia cu ta conta 3,5 millon
persona, entre quende 6.000 hen-
de blancu, ta keda forma parti di
mancomunidad Britanico.

Den e comunicado final dje con-
ferencia na Londen ta para cu
Noord Rhodesia lo wordu declara
un republica ora cu e bira inde-
pendiente.

E mandatario dje republica

PROMESA RUSSO PA EGYPTO

CAIRO, 20 mei.- E prome minis-
ter Sovietico Chroesjef a bisa
president Nasser y otro lidernan
di Egipto durante un comementu
na Cairo, cu Egipto, pronto lo
hanja disposicion riba e arma-
nan ora cu e tin meste di esakinan.
E comementu a wordu teni den e
club militar na Cairo despues dje
prome deliberacionnan oficial
entre Chroesjef y Nasser. Un bo-
siero di Egipto a llama e ambien-
te durante e deliberacion amis-
toso y cordial. Nan a papia to-
cante kestionnan internacional.
President Nasser a bisa den su
contestacion, di ta elogia e oferta
di Chroesjef pa entrega Egipto
mas arma. El a declara cu ta tu-
mando luga entre su pais y Is-
rael un carera di armamento.
El a llama Israel un base pa im-
perialismo.

Derechonan nobo na Australia

DARWIN, 20 mei.- Indigena-
nan dje territorio Northern Terri-
tory di Australia, cu a alcanza e
ultimo stadium di civilisacion
moderno actualmente tin mag di
bebe alcohol. E asamblea legisla-
tivo dje territorio aki entre otro
a aproba un proyecto di ley, den
cua nan ta kita leyman cuta existi
cu ta prohibi e indigenanan usa
bebidadan cu ta contene alcohol.
E ley nobo ta duna e indigena nan
derecho, di usa bebidadan cu alco-
hol y di conduci un auto.

Nan no a haci caso di aviso
di un miembro dje asamblea, cu
bebementu di alcohol y corimentu
di auto lo trese e indigenanan
den dificultad.

Tortura di un amor NOVELA

No. 5.

Un djies e cabaynan ta spantal
"Von Grooten a pusha Theresa
cu su zweep y despues Theresa
a trompeca y a cay net na rand
di e caminda. Jorando el a trata
di lanta bek, pero e no tabata
por. E Condesa a mira tur esaki
na un manera indifferente. Im-
paciente el a hiza su zweep den
laira. Su cabay a cuminsa bula
y cu un bula grandi el a bula
over e mucha, Hulja no a drey
mira e criatura, kende ta su mes
carni y su sanger. Pero tampo-
co el a mira e auto cu tabata
spera riba e caminda. Andrea
su cara tabata palido di emo-
cion y rabia. Ora cu el a mi-
ra e pover mucha, su wowo-
nan a jena cu awa. Con por ta
posibel, cu un mama por ta asi-
sina? "Un momento" El a bi-
sa por fin, y ya el a sali di e
auto y a jega caminda Theresa
tabata benta abou. El a carga e
mucha trece den e auto, y a po-
ne e curpa desfigura den su -

scoochi. Cu gratitud e mucha a
primi su curpa contra dje, y a
keda miré den su cara.

Na un manera trankil y indeferen-
te e Conde ta sinta banda di Andrea
Nada na su cara por pone un hen-
de pensa, ta kiko e tin den su men-
te. El a keda wārda rankil te ora
cu e mucha ta drumi keto, y des-
pues el a start e auto. Pero ora di
come dies dos or Andrea por a ri-
para cu henter e escena no a haci
ningun impresion riba dje, paso-
bra el a trata su swa mescos cu
antes.

XXXXXX

"Bo a trese tur cos na orden aki
nn, masha lihé, Srta Weert, "
Conde Elmer a bisa, mientras el a
keda para dilanti Andrea. "Bo a
traha masha duro durante e corte
tempo cu bo a keda akinan." "Mi
ta gusta mi trabao, Sr. Conde!"
Andrea su cara a bira pococorra.
"Mi jiu homber a manda puntra,

si bo tin algun ora liber anochi, pa
yudé cu su trabao. Parce cu e ta
fada un poco akinan y kier puntra
tur su historia di viajamento."
Andrea a keda keto. E pensamen-
to so, cu e mester pasa e anochi-
nan cu e orgulloso Conde Nico, ta
hacié Comde. Natural, solamen-
te si no ta mucho trabao, Srta.
Weert. Bo por wel di laga e tra-
bao di akinan para, si e cuminsa
bira hopi di mas. Y ademas lo mi
pagabo e over-time cu bo traha."

"Bo ta masha bon hende, Conde!"
Andrea a bisa pococorra. "Naturalmen-
te mi ta di acuerdo pa traha pa
Conde Nico, si bo ta desea esey."
"Okay, mi por bisa mi jiu anto,
cu e por conta cu bo yudanza a -
we nochí." Andrea a sonrei. Di
repente el a cuminsa sintié be-
nauwd na su garganta. Anochi e
mester a recoge tur su curashi,
ora cu e tabata para dilanti e por-
ta grandi di e segunda piso. Y sin-
embargo casle e no pora domina su
emocion ora cu el a tende un vos
tembloroso a bisa, "Drenta." Un
poco tímido el a baha e kinopidi e
porta abou. Conde Nico tabata sin-
ta tras di e lessenaar grandi, riba
cual tabata tin hopi boeki, souve-
niers y mas cos. Bopor sinti ey-
nan! Sin bisa su cara el a mustra
riba un mesita chikito, no leeuw di
su lessenaar. Andrea a keda spera
keto. E circania di e homber orgu-
lloso aki ta hacié bira verlegen.
"Ta trata di algun di mi aventura-
nan, especialmente di tempo cu mi

tabata na Occidente. Si bo taha-
nja cu mi ta dictabo mucho lihé of si
acaso bo no ta comprendé mi bon,
mihor bo puntrami, en ves di ha-
ci un fout." Trankil Andrea a coy
su potlood tene. "Dia diessdos di
februari di e anja aki, ami, Nico
Comde di Elmer, ocasioná como
miembro di un grupo di investi-
gador, a asisti na e apertura di
un kamber di graf di Egipte." E
Conde a lanta para, y a cuminsa
cana cu su mannan den su saco,
na un manera masha elegante,
den su kamber grandi. E tapijt
diki ta demp su stapnan. Y ela
cuminsa conta di aventuranan, di
tur e preparacionnan difícil, di
cual awor a worde corona di su
apertura. E argeologonan a spe-
ra pa destrui tesoronan di valor
nan ordinario ey bou. Mester a
haci hopi cos prome cu tur cos
bin cla. Corto bisa, nan a haya
tur clase di contraridad. Y nan
a cuminsa pensa riba vengansa di
e Diosnan. E Conde tabata papia
bon di tur su aventuranan. Andrea
a keda impresioná pa loke el a ten-
de E ta scirbi numa. Su cara taba-
ta brilla di duro cu e ta traha. Ora
cu porfin e homber a keda keto, y
a bolbe sinti tras di su lessenaar,
Andrea a drey mira spanta. "Y
despues, kiko a pasa despues? El
a keda asina tanto impresioná
door di e historia, cu el a lubida
ken e ta y kende el a haci e pre-
gunta ey. Pa prome bialha riba e
cara orgulloso y serio di e Con-

de, a bini algo manera un sonri-
sa. "Pa awe nos ta cla. Mayan
nos lo sigui. Ya a bira laat ca-
ba. Bon Nochi!" Spanta y pura
Andrea a lanta. E poco palabran-
nan ey a pone sinti realidad
atrobe. Ta con e por a pensa,
cu Conde Nico ta bay conta un
hende di dje, algo di su aven-
turanan? En vano Andrea ta tra-
ta di hanja sa, durante e cumin-
da di merdia, si Conde Nico ta
satisfecho cu su trabao. Ni un
mirada di su wowonan ta wor-
de dirigi riba dje, y di baina
el a cuminde bek ora cu el a
cana dreuta. Henter su aten-
cion ta worde dedica, manera
semper, na Condesa Hulja,
kende a caba di proponé pa bay
dal un keiro junto mas despues.
Condesa Hulja ta bistí atracti-
vamente bunita awe, y e sa con
e mester tene e armanan cu
na turaleza a duné. Na un ma-
nera masha habil e ta keda mi-
ra e Conde Joven asina signifi-
cante y invitador, cu Andrea
mester keda mira den su tayo
un poco verlegen. Kier meen
cu ya el a lubida su homber
morto caba, den e poco siman-
nan cu a pasa? Y e Conde? E
no ta puntra pa su ruman mas?
Pero natural cu no! Semper el a
miré pa su rival. E dosnan a
lanta junto foi e mesa.

E ta sigui....

RIP KIRBY

Agente exclusivo di

FRIESCHE VLAG

pa cortesia di:

lechi evaporado y lechi en polvo

JAN BODEGOM & CO (ARUBA) N.V.

MAXWELL HOUSE KOFFIE.



Horoscopo personal

ARIES-21 di maart-20 di april- Mehora bo negoshinan a traves di e atencion personal di e detallenan.

TAURO-21 di april-21 di mei- Interesnan profesional cu ardentemente ta worde prosegui mester produci recompensanan parti di atardi.

GEMINIS-22 di mei-21 di juni- Atende bo asuntoan di negoshi estrictamente, pa bo por obtene e mihor resultadonan, Partianochi bo ta liber pa diberti.

CANCER-22 di juni-23 di juli- Reuni cu otroan den un palno social pa obtene informenan interesante y posiblemente importante.

LEO-23 di juli-23 di augustus- Pidi otroan informenan cu quizas lo bo tin mester. Trata di no aplaza e cosnan comercial.

VIRGO-24 di augustus-23 di september- Bo por introduci un ambiente social afloha den e actual condicionnan di tirante cu tin e dia aki den cas.

LIBRA-23 di september-23 di october- E mihor ganancianan di e momento aki ta worde ofrece pa interes y sucesonan cu ta mas cerca di bo.

ESCORPION-24 di october-22 di november- Bo por rehasi di placernan perdi a traves di e respuesta aleta na presencia di otro personanan e dia aki.

SAGITARIO-23 di november-22 di december- Botin e presupuesto semper presente? Esaki ta un bon dia pa bo hasi compranan y tur ora cu presenta e bon calidad e cantidad no ta importa den e cuestion aki.

CAPRICORNIO-23 di december-20 di januari- Pone e presion di negoshinan un cantu pa bo por dibertibo parti anochi.

ACUARIO-21 di januari-19 di februari- Recupera bo tempu perdi pero na e mesun momento evita di traha demasiado y no comete errornan pa motibu di descuido.

PISCIS- 20 di februari - 20 di maart- Tuma bo tempu pa bo pensa e cuestionnan cu tin que ver cu relacionnan personal cu e personanan cu bo ta stima hopi.

BRASIL TA ARESTA CHINESAN

RIO DE JANEIRO 20 Mei. - Na Brasil 9 Chines a worde pone den un detencion preventivo oficial riba acusacion di intentonan pa descadena un revolucion. E Chinesnan - dos periodista y miembronan di un mision comercial ta detene foi dia tres di April pasa. E tribunal militar cuta en carga que detencion preventivo, a duna orden pa aresta seis Brasileño, cu ta worde menciona den un carta na un dje Chinesnan relaciona.

Ulanda pais di wasmachinnan

den haag, 20 mei.- Hulanda ta alza su fama di un pais higienico den e statistiek di wasmachin di EEG, den cua ta stipula cu den cada 100 cas Hulandes tin mas o menos 69 wasmachin, contra 52 na Belgica, 36 na Francia y ocho na Italia, segun a resulta foi cifranan di Europa Union, organo dje movimentu Europeo Aleman. Tin mas tantu refrigeradora na Alemania mas o menos 52 den cada cien cas, contra 41 na Francia 30 na Italia 23 na Ulanda y 21 na Belgica.

CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.




BUCHI ROBEZ

Pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesia di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.



DICK TRACY

presenta pa cortesia di

JOHN MANSUR AUTC ARTS

na unda bo ta hanja piezanan di auto, garantisá pa nan calidad.

L.G. Smith Blvd. (P'ariba di La Esperanza) tel. 3094.

